

海

國

圖

志

敘東南洋

魏源曰志海國莫瑣于明史外國傳傳成于
倭本乎明外史及王圻續通考太蔽有三
南洋不分古里瑣里皆南洋近國而與荷蘭佛郎機同
卷意大里亞處大洋極西而與柯枝榜葛刺同卷甚謂
佛郎機近滿刺加何翅秦越同席其蔽一二曰島國與
岸國不分謂淳泥即大泥則移島於岸謂亞齊即大食
波斯則移岸於島謂柔佛即佛國而東西竺島即天竺
賓童龍即舍衛則移西天於東洋至若婆羅閼婆大小

瓜哇影射互殺叩槃捫燭其蔽二三曰同島同岸數國不當分而分大泥彭亨柔佛滿刺加吉蘭丹皆暹羅南境屬國也婆羅浮泥瓜哇蘇祿文萊馬神皆一島所環處也止宜以毗連各屬國附於暹羅之傳以浮泥等統立一同島之傳餘自亞齊三佛齊小瓜哇錫蘭山等著名數大島國外類皆荒洲小嶼人不過數百家貢不過一再至無關沿革何與共球止宜統述一篇臚其名目乃各國各傳觸目迷離概稱在東南海中無疆里沿革可徵無市舶邊防可述其蔽三魏源又曰地之氣其

至明而一變乎滄海之運，隨地圓體，其自西而東乎？前代無論大一統之世，卽東晉南唐南宋齊梁，偏隅割據而航琛獻寶之島服卉衣皮之貢，史不絕書，今無一登于王會，何爲乎紅夷東駛之舶，遇岸爭岸，遇洲據洲，立城埠設兵防？凡南洋之要津，已盡爲西洋之都會，地氣天時變，則史例亦隨世而變。志南洋實所以志西洋也。故今以呂宋、荷蘭、佛郎機、英吉利、布路亞五國綱紀南洋，其越南暹羅緬甸日本四國雖未并于洋寇，亦以事涉洋防者著于篇，而朝鮮琉球洋防無涉者不及焉。凡

海國圖志

卷五

東洋列島

二十一

海岸之國三海島之國六

海國圖志目錄

東南洋海岸三國

卷五

越南

故交趾

卷六

越南分國沿革

林邑占城

卷七

暹羅

故扶南

卷八

暹羅分國沿革

真臘東
捕塞

卷九

暹羅屬國今爲英夷新嘉坡沿革

滿刺加
舊柔佛

卷十

緬甸

朱波
驃國

海國圖志卷五

東南洋一

每岸之國

邵陽魏源輯

阿細亞洲總說

原本無今補輯

明艾儒略職方外紀亞細亞者天下一大州也人類羣生之地聖賢首出之鄉其地西起那多理亞離福島六十二度東至亞尼倫峽離福島一百八十度南起瓜哇在赤道南十二度北至冰海在赤道北七十二度所容國土不啻百餘其大者首推中國此外曰韃而靼凡牧部落曰回回曰印弟亞即五印度曰莫臥爾小白頭曰百皆是

兒西亞大白頭曰度爾格都魯樓曰如德亞天方默德

並此州鉅邦也海中有鉅島曰則意蘭即錫蘭山曰蘇門答

刺曰瓜哇即葛留巴曰渤泥此渤泥為島可證謂曰呂

宋近臺曰馬路古坤輿圖說作木路更有地中海諸島

亦屬此州界內中國則居其東南其北極出地之度南

起瓊州出地一十八度北至開平等處出地四十二度

從南涉北其得二十四度經六千里東西大抵略同其

距大西洋路幾九萬開闢未始相通但海外傳聞尊稱

之為大知納近百年以來西船往來貿遷始闢其途兼

以厯算之士得歷中華廣聞見曠然遠覽其一統志所詳者今不復述姑錄全洲大略于左

萬國地理全圖集曰四大地之中亞齊亞最廣大長二萬四千里闊一萬二千三百里大地北極出地二度至七十八度英國中線偏東自二十六至一百九十度南及印度海有東京暹羅北耳西海隅北及北冰海東及太平海與其海隅西連歐羅巴大地及地中海有微地與亞非利加大地相連又及於紅海隅與印度海也在此大地內南方之各國稱謂蕪來由列邦暹羅安南老

掘緬甸五印度北耳西亞刺百等國北有俄羅斯藩屬
國亦稱西百利東有中國及所屬滿州各地方日本羣
島並琉球西有西域列國與土耳其藩屬中有蒙古族
各部地沙漠西藏東南邊則多羣島廣大且遠焉○亞
齊亞西方爲各人類始祖之本地道理術法與教門一
皆由亞齊亞出故亘古至今視爲重地案亞齊亞卽臣
細亞也一作阿
也

越南一

安南國在暹羅之東北國都建于傳依此曰傳依後又
曰虎地蓋西京

順化港之
異名也、亦原有三國、一曰廣南、一曰干波底阿、一曰

東京、并有干波底阿所屬之臘阿士窮巴兩小國、干波底阿

地接廣南、當卽明史之賓童龍與古

城接壤者、蓋廣南以東、瀕海之小國、于有七百七十四

年、乾隆三十九年因廣南光中王冲幼被難、與其遺臣遁于海

島、遇佛蘭西教師阿特蘭、彼此投契、其懷義憤、遂回佛

蘭、西乞師、適值佛蘭西國難未定、閱數載、始請得兵船

助其恢復、于有七百九十年、乾隆五十五年滅仇復國、案此志謂

安南光中王冲幼被難、事在乾隆三十九年、借西洋兵

復國、事在乾隆五十五年、既非明嘉靖中黎維曄復仇

滅莫之事、又非嘉慶七年阮福暎借暹羅兵復仇滅阮

之事、乾隆五十五年正阮光平篡黎氏、黎氏投中國、之

時更與此情事不合以前後考之此當專指廣南而言

高宗御製詩集乾隆乙未題平定合符詩注云

李侍堯奏粵民李阿集私越邊界至安南國之順化其地在安南王城西南遠隔重洋昔為阮姓竊據歷几世皆稱順化王與安南黎王世仇會順化王死有子二嫡幼而庶長先立其舅擅威福有同姓阮翁袞者以除奸立嫡為名募兵自稱西山王偪順化城二子皆出走李阿集以戰功封開國公阮翁袞思自立眾解不從李阿集人海遇順化二子舟劫奪其財攜家同內地為有司所執籍其家得調兵玉符上下各一左右鑿柄相應形圓而橢鑄小篆文云案乾隆乙未為四十年與此志三十九年先後一歲情事正符而二子海中被劫即此志所謂遁入海島之事阮光平本名阮惠有兄阮岳即詩注所謂嫡幼庶長之事蓋阮光平幼時本遭難遞荒及長乃借兵恢復廣南又乘黎鄭內鬻之際因並據安南耳中國惟知其晚年盜有安南之事不知其幼作亡失廣南之事惟御製詩與此志相表裏而滇紫載師範安南紀略亦與此志互有出人光中王之為阮

無光平疑光中王既感歐羅巴之扶佐又慕歐羅巴之兵法遂仿造兵船火器訓練國兵是以現有礮船三百艘大兵船一號在阿細亞洲諸國罕與匹敵是以兼取安南東京及干波底阿國并合三國而統一之此處始謂阮光平兼并安南東都之事緬甸暹羅兵制皆由各頭目招募充伍器械皆長鎗刀弩雖有火鎗皆西洋所廢棄之物購買修整不堪適用惟安南軍器制度得之歐羅巴故在緬甸暹羅兩國之上其水戰兵船長自八丈以至十丈不等而寬僅八尺其製造之法取整油木一株截定長短尺寸先

用火燒出中槽，後用刀斧剝斲而成。沿河各城均備此，以待臨時一招而至。卽有五百號，每船掉槳五六十八人，各帶長鎗短劍，別配火鎗兵三十人。船頭平直，安礮一門，自六棒至十二棒，重不等。遇敵將船橫排成列，羣唱戰歌，極力掉槳，頃刻逼近，隨卽死鬪。如敵人大船欲衝擊小船，則小船閃避又甚巧速。其王與貴人尋常所乘之船，雕飾鍍金，映水燿燦，土庶不敢僭也。安南兵船近日造作愈精愈巧，每船長十丈九尺，其材可作西洋兵船之中桅。緬甸暹羅兩國陸戰全恃堅銳木棚環繞，重

豪雖英吉利之兵馬亦有時可以拒之第兵欠紀律設
一破其柵卽未免潰亂奔竄安南軍制按歐羅巴兵法
訓練而成可云紀律之師計其兵數于千有八百年間
嘉慶六年約十有四萬今則不過五萬內有三萬在國扈衛
國王聞安南國王庫貯金錢計有七百十四萬員而銀
則不計其數也緬甸戶口約有五百萬暹羅戶口約百
有二十萬安南東京戶口五百有十萬四千臘阿士戶
口約八十有四萬蕪萊由戶口約十有九萬又中國人
在彼人籍約四十有四萬其官制章服文字大略都遵

中國為東方諸國所不及眉公河為安南最鉅之河道

亦發源雲南南經巴爾門而注之海眉公河似指富良江其上游即雲南

之黎花江經安南入海由海口溯流而上約二十餘日巨舶可揚

帆直駛三國土產木棉穀米油木花木白糖胡椒簾竹

膽黃檳榔燕窩海參象牙原本

安南國東界海南界海西界暹羅北界中國廣西以虎

地為國都領部落二十有一原本部落名皆夷語今刪之其安南郡縣具詳前史

重輯原無今補

萬國地理全圖集曰安南王據東京而取占城國之大

半南接暹羅達於南海北及中國東北及廣西西連老
撾暹國東達東京海隅及南海北極出自九度至二十
三度英國中線偏東自一百零三至一百零八度東北
隔富良江西交潦瀨江廣袤圓方二十九萬四千方里
東京望海平原如草場與占城地相似國內多山歸化
江路接西南界宣化江路接時麻道陀江路接金齒界
諒州路接左右兩界其國二十二郡六者爲占城故地
其外爲安南東京地其江自雲南廣西出者皆南流惟
東京之江東流其海之港甚多處處可泊國西都曰順

化城離海邊十八里沿江十二且建屋宇大半草廬罕
瓦屋其東京城在河濱距海三百里居民比順化更繁
爲貿易之埠與中國通商並不與他商經營東安居民
原來自中國開墾立業故其氣色相去不遠至占城之
土民面黑身矮與暹相似乾隆年間國王沒臣主異心
或結暹羅或結安南故爲安南侵據其地豐盛而民懶
惰海邊有湛巴族類風俗語音與安南異古時乘船冒
危遠商他國近日漸退安居山內服屬安南安南國崇
佛教拜偶像有奉天主教者王盡滅其教門而殺其師

然尙存四十餘萬信士、東京出金鐵、開廠每年掘銀二十餘萬、占城產米、多日糖、檳榔、肉荳蔻、唐船最多、古城之綠、賴江、瀕海、捕魚爲生、安南人矮身、着長衫褲、以布纏首、衣裳黎黑色、惟尊貴服綢緞、眾民污穢不洗衣、不浴體、風俗人清爽、滿面笑容、揚眉暢氣、安心聽命、但因連月徭役、小民貧苦無聊、王住殿、大乘榮威、其侍衛三萬丁、立內閣、置六部、中外百官、甚效中國之法、各省有其督撫、部院等大官、所讀之書、與中國相同、但其音懸絕、至于武備、國王請佛蘭西武官、教死西國操演武藝、

海國圖志卷三
是以所鑄之火礮所造之鳥鎗不異佛蘭西其武官深
曉兵機所有兵船大勝中國之艦巡駛五印度南海各
國以廣見識其公使屢到外國隨便辦事遇有外國船
隻進港卽嚴行防範煩擾苛刻以塞外商之路中國所
來之大小船三百隻安南往新嘉坡每年三十有餘隻
但其水手係漢人王之兵船二三隻載雜貨亦赴其埠
貿易

聖武記安南所都曰東京卽唐交州都護治所而以廣
南順化二道爲西京卽古九真日南地中隔海口世爲

阮氏割據號廣南王兵強於安南初明嘉靖中安南爲
莫登庸所篡國王黎維譔走保清華順化四府至孫黎
維潭起兵破莫復國實其臣鄭氏阮氏之力世爲左右
輔政後右輔政鄭氏乘阮死孤幼出阮氏於順化使王
廣南而自專國事于是阮鄭世仇構兵至鄭棟益專柄
將篡國而忌廣南之強乃誘其土酋阮岳阮惠攻滅廣
南王于富春及鄭棟死阮惠又起廣南兵攻滅鄭氏于
是阮氏復專國盡取王都珍寶歸廣南治城池于富春
旋使其將阮任以兵數萬攻東京國王黎維祁遣使走

投訴中國時乾隆五十三年也。明年朝廷命兩廣總督孫士毅出師討阮惠。惠敗走黎維祁復國。是冬阮惠復集廣南之眾，傾巢來襲。孫士毅軍潰走還。黎維祁復來投阮惠，亦改名阮光平，叩關謝罪乞降。言世守廣南與安南敵國，非君臣。並請五十五年入覲祝。八旬萬壽。詔封阮光平安南國王。五十七年卒。子阮光纘襲封。初阮氏世王廣南，以順化海港爲門戶，與占城暹羅皆接壤。阮光平以兵篡國，國用虛耗，商舶不至。乃遣烏船船百餘，總兵官十二，以采辦軍餉爲名，多招中國。

海盜使爲鄉導入寇閩粵江浙嘉慶初各省奏擒海賊
屢有安南兵將及總兵封爵敕印詔移咨安南尙不謂
國王預知也暹羅旣與廣南積怨會黎氏甥阮福映者
乞師暹羅克復西都并縛海賊莫扶觀等獻諸中國中
國始知阮氏父子數奸誨盜之罪時嘉慶四年也及七
年阮福映復破東京盡有安南備陳構兵始末爲先世
黎氏復仇其舊封農耐本古越裳氏地今兼并安南請
以越南名國詔封越南國王蓋新阮篡黎十餘年
復滅于舊阮今修職貢者非復前日阮氏云

英吉利夷情紀略

欽縣葉鍾進寄
味山房雜記

嘉慶十一二年間有

大班喇弗者探知我屬國安南之東京地居海隅時有

內訌乘隙可取

時阮福映滅仇
立國方新之故

遂親往孟甲刺約其兵

頭駕大舶十號直趨安南富良江海口先令其副兵頭

駕七艘入以討舊欠索馬頭爲名安南聞之先飭漁艇

商船盡藏內港故入口數百里無阻直至東京下碇不

見一人及夜忽有小艇無數各載乾柴火藥四面圍至

急發大礮轟之小艇皆乘上風火發風烈七艘俱燬右

黑鬼善泅者遊水出報兵頭駭遁不敢再入

瀛環志略曰越南卽安南古之交阻秦以後唐以前皆
隸版圖南界之林邑漢末卽自立爲國安南至五代時
乃列外藩今并古城爲一國復兼真臘北境安南故地
南境占城真臘故地稱曰廣南北界廣東廣西雲南三
省西界暹羅東南面大海都城曰順化在富良江之南
岸衣冠仍唐宋之制坐則席地貴人乃施短榻取士用
策論詩賦設鄉會科士大夫皆好吟咏詩或劣不成句
而人人喜爲之國分四十餘省一省所轄止數縣文武
官名略同內地總督皆阮姓王之族也貴官坐堂皇或

解衣捫蝨其簡陋如此宴客設銅盤置蔬肉各少許無

醢醢以醢魚汁代之鴉片之禁甚嚴犯者立寘重典東

南臨海有都會曰祿奈或作祿賴一作龍奈一作農耐占城之故都也

南境臨海有都會曰東埔寨真臘之故都也聞廣商船

每歲往來貿易別國商船入港譏防甚嚴權稅亦重諸

國惡其煩苛故市舶罕有至者所產者番木沈楠諸香

鉛錫桂皮象牙燕窩魚翅之類其入貢出廣西之太

平府人關不由海道安南本中國地諸書言之綦詳故不多贅

俗傳紅毛船最畏安南不敢涉其境其人善於泗水

遇紅毛夾板則遣數百人背竹筒攜細纜沒水釣於船底從遠處登小舟牽曳之俟其擱淺乃火焚而取其貨又或謂安南人造小舟曰軋船能攻夾板船底故紅毛畏之以今考之皆不甚確蓋占城之北海形如半月海水趨灣其勢甚急海船或入灣內無西風不能外出紅毛夾板入溜擱淺曾敗數舟故至今歐羅巴人涉海以望見廣南山爲厲禁商船入安南內港土人皆用小船繫繩牽引乃慮其擱觸礁淺藉爲鄉導卽中國各港之引水船反用之以碎敵船理或

有之惟沒水而釘船底則事涉杳茫矣至軋船之製

曾有繪圖倣造者施之海面仍無異常船耳食之談

施之實事往往鑿柄正不獨此一事也按鄭芝龍焚荷蘭船見臺

灣外紀時荷蘭夾板援闕浙芝龍方受撫為柳將奉

令往剿荷蘭船堅炮猛乃募死士善泅者以小船堆

柴薪漢以油中藏火藥前置引線船首施短鐵鍊綴

利錐死士一人持斧坐船頭數人從旁乘風潮急掉

傍夷船以斧釘錐於船舫燃藥線投水鳧回藥燃火

發風又猛烈荷蘭夾板被焚三艘餘遁去云按芝龍

本海中劇盜所養皆亡命其權諂能得人死力故出

奇制勝理或有之他書言火攻者謂用千百木筏積

薪順風潮縱之或謂鎖千百小舟積薪蔽港而圍之

皆江河大攻舊說施之夾板鑿柄甚矣海面寬闊夾

板相地散泊相隔一二里三四里木筏雖多豈能塞

海又豈能引其拾芥使之相著此自焚舟何與彼事

地里備考曰安南國又名交趾在亞細亞州之南北極
出地八度四十五分起至二十三度止經線自東八十
七度四十五分起至一百零七度止東南皆枕中國海
西連暹邏國北接中國南北相距三千七百里東西相
去一千五百里地面積方約三十九萬三千七百五十
里烟戶三京三兆口本國地勢山陵綿亘平原坦闊河
則甚多其至長者一賣岡河一桑該河一支來河一多
乃河湖則甚鮮其至大者一托湖一勞湖田土膴腴穀
果豐稔草木茂盛鳥獸充斥土產金銀銅鐵錫絲茶漆

靛蔗、繖花、檳榔、沙藤、肉桂、胡椒、象牙、藥材、木料等物。地氣溫和，王位相傳，所奉之教，儒釋不一，技藝精良，貿易昌盛。通國分爲五部：一唐沖，首府曰順化，乃西都也；建于順化河岸，一唐外，卽東都，首府曰給卓，一平順，首府曰古城，一嘉定，卽東埔寨，又名眞臘，首府曰柴棍，一包當，首府曰保，國中部落四散住居，不屬統轄，名目紛繁，茲不及贅。其通商衝繁之地，一名柴棍，一名代佛，一名罕山，一名給卓。

外國史略曰：亞悉亞東南洋海岸各國，北連中國之雲

南廣西廣東南及暹羅海隅及南洋羣島東及安南東
都海隅西連榜甲拉海隅在亞西亞各國之至南其長
江曰迤拉瓦的江一名大金沙江由雲南流出逕緬甸
四千四百里入榜甲拉海隅水深廣可入大海船若小
三板船可及雲南界撒路音河一名弱江亦由雲南下
流直南入緬甸之馬他班海隅其北支內多暗沙南支
則水深三十里默南江一名沅江亦由雲南下流南向
入暹羅灌田最豐盛其江最深而出口處反淺默南君
河卽瀾滄江由雲南流入越南西都有漳江溪港有兩

條西方係緬甸國並英吉利藩屬地其東越南中間爲暹羅老掌等地南則爲蕪萊由族類

又曰越南國北極出地自八度三十分及二十三度偏東自一百零五度及一百零九度廣袤方圓六千七百里民在東都者千餘萬在廣南百有餘萬在占臘或在千賓百五十萬越南南連暹羅東及大海北與中國交界西連老掌其全國之地自南占臘地起如區粟鎮河僊南榮安江永清定祥蕃安邊和平順衙莊富安歸仁

和義廣南皆南地也其中央有廣德廣治廣平乂安東

京各鎮、北方有清內、清外、興化、南上、南下、海東、京北、山西、高平、郎北、太原、宣光、廣安等鎮、其南方占臘之地、地低、田肥、無山林、人繁盛、民不習勤、國君又不知教養、故府庫充而百姓貧乏、惟與中國交界之東都、居民蕃庶、勤勞能製各物、又花河邊之順化、田肥地茂、其內山多磽确、低地出米、烟、檳榔、白饒、玉桂、皮胡椒、檀香、奇南香、粗茶、葉等貨、港口便通商、面貌皆似中國、本漢人之苗裔也、其文學亦用中國字、讀中國書、法度規矩、風俗皆與中國彷彿、士民伶俐、恆帶喜色、多巧思、衣尙黑、不好潔、

不浴身男應徭役女乏貞節代男苦勞以養其家庶民
貧乏惟僑寓之漢人免徭役農力勞而收薄商賈多漢
人所運出者檳榔白饒胡椒最多通商極興旺船由埔
寨來者載米鹽等貨赴新埠頭貿易國王亦調兵船每
年赴港并赴旁甲拉東都所運賣者係粗磁等貨所造
之鳥鎗大砲等火器尤妙東都出胡絲但不如中國之
細衣布緞紗皆粗其上者必買自外國乾隆三十八年
西都有兄弟三人一爲將軍一爲商賈一爲和尚共驅
國王世子有佛蘭西教主偕世子求援于暹羅國併往

佛國求救是時三奸已據其國虐其民其東征者不服水土斃死甚眾王駐伶仃島於是佛國與本地義勇力驅奸徒又攻擊東都舊王復位乃用佛官練兵鑄炮又建戰船如西洋之甲板且築砲臺自後武事日興乘占臘國王內亂與暹羅分據其地直入祿賴每年調兵船載餽貨赴新埠等港貿易所寓漢人亦駛各港口在占臘載貨物王自操全權不與鄉紳會議所納各稅約五百萬兩其西都曰順化府居民三萬各江邊離海二里北極出十六度四十五分偏東一百零六度三十二分

城周二里高三丈兵房周繞殿宇民居半以竹葵爲之
大砲火器甚多皆佛蘭西造作初王亦許以海邊土地
給佛國居住後不踐約其佛官漸歸本地於是通商悉
罷且絕佛國嚴禁天主教然東都占臘廣南各地尙有
思奉教者東都京北鎮之港口居民十五萬與中國貿
易最興旺之港曰祿賴居民十三萬多暹羅小船及中
國大船又歸仁衙莊富安三處亦通商興旺之地占臘
古都今雖廢居民猶三萬有餘此安南通國情形之大
略也

武林郁永河神海紀遊曰紅毛船用板兩層斲而不削製極堅厚中國人目爲夾板船其實整木爲之非板也其帆如蛛網盤旋八面受風無往不順較之中國帆檣不遇順風則左右戢折傾險迂艱者不翅天壤然巧於逆風者反拙於乘順風若與中國舟航並馳順風中彼反後矣故遇紅毛追襲卽當轉舵順風揚帆可以脫禍若仍行戢風鮮不敗者況彼船大如山小舟方畏其壓安能仰攻紅夷恃船大帆巧橫行海外輕視諸國所至侵奪顧兩敗于交趾交趾拒敵之法創造小舟名曰軋

船長僅三丈，舷出水面一尺，兩頭尖銳，彷彿端陽競渡龍舟，以二十四人操櫂，飛行水面，欲退則反其棹，變尾爲首，進退惟意，儼然游龍。船中首尾各駕紅夷巨礮，附水施放，攻其船底，底破卽沈。雖有技巧，無所施設。於是大敗。至今紅毛船過廣南，見軋船出，卽膽落而去。中國東南半壁皆大海，日與西夷互市，軋船之製亦所宜講。余文儀臺灣志交留巴國人本輕捷善鬪，紅毛製造鴉片誘使之食，遂疲羸受制。其國竟爲所據，紅毛人自有食鴉片者，其法集眾紅毛人環視，繫其人於桅竿上，以

礮擊之故紅毛各國祇有造煙之人無一食煙之人又聞夷船由孟邁赴廣東必先經安南邊境初誘安南人食之安南覺其陰謀下令嚴禁犯者死無赦一國卒不受其害

澳門紀略曰昔西洋夷有以天主教行於安南者國人藏之國王盡拘其人立二幟于郊下令曰不從教者立赤幟下宥其罪如守教者立白幟下受誅竟無一人肯出教立赤幟下者王怒舉礮殲之至今不與西洋通市至則發大礮擊之西夷卒不敢往

魏源曰越南自漢唐明屢隸版圖列郡縣事燦前史惟其與西洋交構則皆在 本朝於中國洋防最密邇

雍正初紅夷兵船由順化港闖其西都而西都以水攻沈之嘉慶中復由富良海口闖其東都而東都以火攻燬之鸞鳥將擊必斂其形未聞禦大洋橫行之劇寇徒以海口礮臺爲事者越南之禁鴉片與日本禁耶穌教同功與酒誥禁羣飲同律咄咄烏邦尙能令止而政行

越南疆域附考

原無今從

稟清通考四裔門安南節交趾與滇粵接界由廣西至其國道有三從憑附州入則經文淵脫則諒

山溫州鬼門關保祿縣凡七日至安越縣之市橋
江由思明府入則過摩天嶺思陵祿平二州又過
車里江安博州耗軍洞鳳眼縣凡八日至市橋江
自龍州入則由平而隘七源州四日至文蘭平茄
社分二道一從文蘭過右隴縣北山經鬼門關渡
呂江經世安安勇二縣凡三日至市橋江一從平
茄縣西經武巖州司農縣凡四日至市橋江市橋
江在安越縣境昌江之南諸路總會處五十里至
慈山府嘉林縣渡富良江入交州由雲南至其國
道有二一由蒙自經蓮花灘入程潤洞循洮江源
右岸過水尾文盤鎮安夏華清波諸州縣凡二十
七日至臨洮府又過山圍縣興化府白鶴縣凡十
日渡富良江一由河陽隘循洮江源左岸過平源
福安宣江端雄諸府州縣凡二十三日至富良江
然皆山徑欹側難行若循洮江右岸入乃大道也
若廣東海道白藤州五雷山發舟北風順利一二
日可抵交之海東府沿海岸行八日始至海東有
白藤安陽塗山多魚諸海口各有支港以達交州

此海道大略也國治在交州距京師萬有千百
六十五里卽唐都護治所郡縣分十三道道分十
三承政司安邦海陽山南京北山西諒山太原明
光興化清華父安順化廣南是也隸安邦者府一
曰海東舊卽交州地隸海陽者府一仍曰海陽舊
卽新安地隸山南者府十有一曰上洪下洪天長
廣東應天荊門新興長安泣仁昌平義興舊卽諒
江建昌奉化鎮蠻建平地隸京北者府四曰北河
慈山諒江順安舊卽北江諒江地隸山西者府六
曰歸化三帶端雄安西臨洮沱江舊卽交州嘉興
歸化地隸諒山者府一仍曰諒山舊諒山地隸太
原者府三曰太原富平通化舊太原地隸明光者
府一曰宣化舊宣化地隸興化者府三曰興化廣
威天關舊卽廣威州地隸清華者府四曰紹天鎮
甯蔡州河中舊清化地隸父安者府八曰父安堡
平思父奇華德先潢州北平清都卽父安潢州地
隸興化者府三曰廣化英都昇華舊卽順化昇華
地隸廣南者府三曰廣南茶麟五麻舊卽父安地

其形勢東南一帶皆海有望海城漢伏波將軍馬援建國境西界南掌北界廣西東北界廣東沿邊皆有重巒深澗林箐彌蔓至大小落靠嶺鬼門關羅婆羅翁麓嶺尤其國中要地交州獨倚富良江爲天險江闊二三百里其水混濁一自緬甸流入山興化過嘉興府來一自雲南流入由興化府來至交岡匯合諸小河漸匯漸大自西東下經過交州北向東南流入海在國總屬州縣二百餘東西相距一千七百六十里南北二千八百里此安南全境也國王黎氏祖籍清華人爲安南王都清華鄉因交州爲歷代割據險要地兼有通海之利始遷都之國無城池人煙輻輳地勢平坦一望皆田村莊櫛比人多地少台境州縣不過具數而已唐調露初置安南都護府始名安南至德初改鎮南大厯間復名安南凡國王嗣位遣陪臣來請命欽命正副使往封賜以鍍金銀印文曰安南國王其國中文武官制略同中國兵丁皆免銀徭役按月給餉兵分水陸不分戰守兵以象爲

重每象額兵二百五十名有正象奴六副象奴二
其餘兵丁分執火器刀鎗行則前後序進戰則左
右排列凡交界隘口及衝要郡縣皆撥象鎮守喪
祭遵文公禮信尚風水官民不許卜葬山上惟許
葬於田富貴者冢上蓋茅屋歲久即平惟國王與
輔政鄭氏葬必卜地至於權幸勢要或有私卜敗
則亦平矣交州有國學文廟各郡縣皆建學校俱
如中國間有釋老夷獠雜居性輕悍役使貧弱仔
掠不忌惟交愛二州稠儻好謀驪演二州酒秀好
學交州惟國都及安邦承政司所屬地愛州屬清
華承政司驪州濱州屬父安承政司云屋舍惟王
府輔政宅及廟宇用瓦色紫黃餘皆茅屋國中農
桑極盛荳蔴蔽野兼饒魚鹽之利金珠珊瑚玳瑁
石磬火齊丹砂諸貨若其中外離合國祚變遷自
秦及明前史備載本朝順治十六年雲南平定
安南國王黎維祺奉表貢康熙五年維祺繼王故
明王承應所給敕印詔遣使封爲安南國王
乾隆五十二年黎維祁爲阮光平所滅大兵恢復

其國旋仍爲阮光平所取光平來降前入朝
詔封阮光平安南國王傳子阮光顯嘉慶七年爲
黎氏舊臣阮福映所滅詔改封

越南國至今六年兩貢並進

一統志曰廣東欽州廣西左江雲南臨安元江皆
與交趾爲界欽以東海道與之對境欽以西爲南
甯府南甯之東南恩明府所屬思州忠州上下石
西諸州太平府所屬龍英太平安平上下凍諸州
皆與接境西龍州乃其所必由之路而憑祥州則
其要害也鎮安府所屬有歸順及下雷洞亦與接
境二峒迤西則雲南界矣臨安之阿迷州左能塞
等九長官司皆其近界元江有水路通之而蒙自
縣則其所必由之路也其道在廣西則由太平
府憑龍州及憑祥州抵其諒山府至其所稱東都
者可七日程在廣東則自欽州西南一日至其永
安州由玉山等處至其東都可五日程在雲南則
由臨安府經蒙自縣河底之蓮花灘至其東都
可四五日程此中國與交南邊境之大略也

粵中見圖曰安南地東西相距一千七百六十里
南北相距二千八百里其爲府十七爲州四十七
爲縣一百五十七歲入司農一千三百六十餘萬
舉滇黔閩廣之賦不足以當之俗稱富庶明代棄
若弁髦嘉靖中黎莫變生廷議征討吾粵先哲在
文敏議遣大司馬按兵境上詔諭交人以釋歸者
授之郡以州歸者授之州使其自爲守若廣西之
上官然可不血刃而定湛文簡權論亦如此而竟
不行誠可惜也由廣東入交趾海道自欽州南大
海揚帆一日至西南岸卽交趾潮陽鎮又自廉州
冠山前海發舟北風順利一二日可抵交趾海東
府若沿海岸而行烏雷嶺一日至白龍尾又二日
至玉山門又一日至萬甯州又二日至廟山又三
日可抵交趾海東府自欽州天涯驛經貓兒港由
萬甯州抵交趾國城陸路止二百九十一里又欽
州城下登舟兩日至棉淪自棉淪至防城陸路一
十五里防城有廉州府同知龍門協左營一守備
駐劄防城水路三日可至交趾萬甯州管下之江

坪防城水路兩日可至欽州管下如昔司巡檢所
轄之東興街有欽州州判與龍門協左營一千總
駐劄東興街至江坪陸路止五十里隔一小河耳
江坪各省商賈輻湊多有婚娶安居者計欽州東
興街至安南國城海道約六七日陸路約一十一
二日也由廣西入交趾分三路自憑祥州入者出
鎮南關一日至文淵州自思明府入邱溫者過摩
天嶺一日至思陵州自龍州入者一日至平而隘
由雲南入交趾元時始開兩路自蒙自縣入經逆
花灘以抵交趾之石瀧自河陽隘入循洮江左岸
十日至交趾平原皆山徑難行明英國公張輔發
兵憑祥黔國公沐晟發兵蒙自不隨馬伏波故道
夾攻取勝
此奇兵也

海國圖志卷六

東南洋二

海岸之國

邵陽魏源輯

越南分國二

越南西都即廣南國也漢爲日南九真郡晉以後曰林邑宋以後曰占城國朝曰廣南今並入越南爲西都。原無今補

東西洋考安南分十二承政司其實一承政不能及申國一府或自舊縣升爲府如慈山洺仁之類或承政祇管一府如宋邦諒江之類舊名多更改割裂舶人稱西京者卽其故都其王居曰日南殿清化港卽舊清化府也是漢九真郡治之地隋唐爲愛州在交趾爲西京今

爲清華承政司順化港卽舊順化府也今爲順化承政司廣南港卽舊乂安府也漢爲日南隋唐爲驩州今爲廣南承政司廣南有太傅阮某者國相鄭松之舅也松旣執國政阮不能平擁兵出據於此威行諸郡某卒其子始修貢東京新州港卽舊新安府也今爲海陽承政司提夷港亦交趾屬縣風俗大約與東京相類尙有汝南承政京北承政山西承政諒山承政太原承政明光承政興化承政乂安承政皆非瀕海之地買船所不到故不詳之中國買船至其海口司關者以幣報酋船主

見酋行四拜禮獻方物酋爲商人設食乃不木牌於廳舍聽民貿易酋所須者輦而去徐給官價以償廣南酋號令諸夷埒於東京新州提夷皆屬焉凡買船在新州提夷者必走數日程詣廣南入貢廣南酋亦遙給木牌民過木牌必致敬乃行

皇清通考四裔門廣南國爲古南交地王本中國人阮姓歷代以來未通職貢其地東接安南西鄰占城南濱海東北至緬甸西北距暹羅境有大山海水環之望如半月名曰廣南灣人善泅紅毛國人夾板船最大風帆

不利、漂入廣南灣者、國人卽遣小舟數百、雲集其處、人負一竹筒、納長縷汲水而釘縷於船下、還棹小舟、遠曳以行、使其閣淺、始奪其貨而焚其舟、故紅毛人以不見廣南山爲幸、他國商船入廣南者、稅物加倍、康熙八年、廣東都司劉世虎等遇風漂泊其地、廣南國王遣臣趙文炳送歸、并帶貨物、船隻來粵、部議趙文炳等雖奉廣南印文、遣來實係中國之人、或留或遣、請旨定奪、其帶來之物、現奉海禁、不便貿易、應入戶部得旨、廣南國王送劉世虎等同粵、殊爲可嘉、著給以照驗、遣

歸廣南船貨不必入官仍給來使凡往來商船由廈門至廣南者先過安南界歷七洲洋向廣南外之占畢羅山卽入其境國無城郭周栽薊竹以自固云

源按廣南卽阮光平先世所封地本安南附庸以地險兵強自爲一國近則并歸安南矣

皇清

通考係黎氏未滅已前所修故以廣南別爲一國

陳倫炯海國聞見錄南洋諸國以中國偏東形勢用針取向俱在丁未之間合天地包大西洋按二十四盤分之卽在巽已矣就安南接聯中國而言海接廉州山繞

西北而環南，直至占城，形似半月，名曰廣南灣。秦象郡、漢交趾、唐交州、宋安南，陸接兩粵、雲南，風土人物，史與備載。後以湊化新州廣義占城之地，統名廣南。因舅甥委守湊化，隨據馬龍角礮臺，北隔一水與交趾礮臺爲界。自湊化而南至占城，爲廣南國。其王阮姓，亦稱廣南王。古曰南郡地也。以交趾爲東京，廣南爲西京。而西京強於交趾。南轄祿賴、東埔寨、崑大嗎。西南鄰暹羅，西北接彌甸。栽蒔竹爲城，人善沒。紅毛甲板船，風水不順溜。入廣南灣內者，國遣小舟數百人，背竹筒，攜細縷，沒水

密釘細纜於甲板船底遠繫曳船以淺閣火焚而取其輜重今紅毛甲板以不見廣南山爲戒見則主駕舟者曰噤長國有常刑廈門至廣南由南澳見廣之魯萬山瓊之大洲頭過七洲洋取廣南外之占畢羅山而至廣南計水程七十二更廈門至交趾由七洲西繞北而進交趾水程七十四更七洲洋在瓊島萬州之東南凡往南洋者必經之所西洋甲板有漏天儀量天尺較日所出刻量時辰離水分度即知爲某處中國洋艘無此儀器止用羅經刻漏沙以風大小順逆較更數每更約

水程六十里風大而順則倍累之潮頂風逆則減退之雖知某處不如西洋船之確必見某處遠山分別上下山形用繩駝探水深淺驗其沙泥一一配合方爲準確至七州大洋太洲頭而外浩浩蕩蕩無山形標識風極順利對針亦必六七日始能渡過而見廣南占畢羅外洋之外羅山方有準繩偏東則犯萬里長沙千里石塘偏西則恐溜入廣南灣無西風不能外出且商船非本趕廣南者入其境以爲天賜稅物加倍均分猶若不足比於紅毛人物兩空尚存中國大體所謂差毫釐失千

里也七州洋中有種神鳥狀似海岸而小喙尖而紅腳短而綠尾帶一箭長二尺許名曰箭鳥船到洋中飛來引導人呼是則飛而去間在疑似再呼細看決疑仍飛而來獻紙謝神則翺翔不知其所之相傳王三寶下西洋呼鳥插箭命在洋中爲記

魏源曰廣南爲林邑占城舊壤明史尙與安南鄰國皇清通考修於乾隆四十五年亦以廣南安南並列故阮光平自理之疏亦謂世守廣南與安南敵國而廣南常扼安南之項背西都常制東都之死命則地利形勢然

哉莫氏篡黎而清華順化四府據于黎氏則卒覆于黎
黎氏恢復而廣南順化割于阮氏則卒覆于阮氏據
國而農耐迫廣南肘腋則卒借暹助以并東都舊志謂
阮氏恢復廣南借佛郎機之力考海國聞見錄作于雍
正初前乎阮氏數十載已言廣南水戰爲紅毛船所畏
何爲反借助于紅毛且此志中語及廣南戰艦戒心動
色情見乎詞固不得不虛稱歐羅巴援救之功以揜英
吉利創敗之辱彼謂西洋水犀戈船無敵海內外者抑
知五行迭相克陰陽迭相勝天下有不可制之物耶廣

南瀕海之順化港口卽古賓童龍國爲占城東盡境自明王圻謬指爲舍衛國明史因之悲夫悲夫籌防邊問兎圍語廟謨特郢書用陳湯不如石與匡

越南分國沿革上

廣南之地晉唐五代曰林邑○原無今補

晉書林邑國本漢時之象林縣其南則馬援鑄柱之處也去南海三千里後漢末曹區殺令自立爲王其後王無嗣外甥范熊代立其俗皆開地戶以向日至於居止東西無定果於戰鬪便山習水不嫻平地四時暄煖無霜雪人皆裸跣以黑色爲美貴女賤男同姓爲婚婦先聘婿其王服天冠被纓絡每聽政子弟侍臣皆不得近武帝太康中始來貢獻咸康二年范逸死奴文纂位文曰南西卷縣夷帥范椎奴也嘗牧牛澗中獲二鯽魚化爲錢用以爲刀斫石嶂石卽瓦解文知其神乃懷之隨商賈往來見上國制度至林邑遂教逸作宮室城邑

及器械逸甚愛信之使爲將文乃譖逸諸子或徙或奔
及逸死無嗣文遂自立爲王乃攻大岐界小岐界式僕
徐狼屈都乾魯扶單等諸國并之有眾四五萬遣使入
貢其書皆胡字永和三年攻陷日南害太守夏侯覽
殺五六千人餘奔九真以覽尸祭天鏟平西卷縣城遂
據日南告交州刺史朱蕃求以日南北鄱橫山爲界初
德外諸國嘗齎寶物自海路來貿貨賄而交州刺史日
南太守多貪利侵侮十折二三至韓戡估數大半由是
諸國恚憤及覽至郡又耽荒於酒政教愈亂故被破滅
旣而文還林邑是歲朱蕃使督護劉雄戍於日南文復
攻陷之四年文又襲九真害士庶十八九年征西督
護滕駿率交廣之兵伐文於盧容爲文所敗退次九真
其年文死子佛嗣升平中廣州刺史
史滕含伐之佛懼請降與盟而還
梁書林邑國者本漢日南郡象林縣古越裳之界也伏
波將軍馬援開漢南境置此縣其地縱廣可六百里城
去海百二十里去日南界四百餘里北接九真郡其南
界水步道二百餘里有西國夷亦稱王馬援植兩銅柱

表漢界處也其國有金山石皆赤色又出瑇瑁貝齒吉
貝沈木香晉世范文為王穆帝永和三年夏侯覽為日
南太守侵刻尤甚林邑先無田土貪日南地肥沃常欲
略有之至是因民之怨遂舉兵襲日南殺覽以其屍祭
天留日南三年乃還林邑交州刺史朱蕃遣督護劉雄
戍日南又復屠滅之進寇九德郡殘害吏民遣使告蕃
願以日南西北境橫山為界蕃不許文歸林邑尋復屯日
南五年征西將軍桓溫遣督護滕駿九真太守灌遠帥
交廣州兵討之其王范佛嬰城固守遂令駿盛兵於前
遠帥勁卒七百入自後踰壘而入佛眾驚潰奔走遂追
至林邑佛乃請降安帝隆安三年佛孫順達復寇日南
九德皆執其太守交趾太守杜瑗遣兵擊破之即以瑗
為刺史義熙三年順達復寇日南九年寇九真瑗皆遣
兵破走之自瑗卒後林邑無歲不寇日南九真諸郡殺
傷甚多交州遂致虛弱順達死子敵真立其弟敵銀攜
母出奔敵真追恨不能容其母弟捨國而之天竺禪位
于其甥其甥又為國相藏驎子攻殺而立文敵文敵又
為扶南王子當根純所殺大臣范諸農平其亂而自立

爲王

不書高祖永初二年林邑王范楊遣使貢獻卽加除
父文帝永嘉七年遣使自陳與交州不睦求蒙恕有八
年又遣樓船百餘寇九德入四會浦口交州刺史阮彌
之遣隊主相道生將三千人赴討攻區粟城不克引還
林邑欲伐交州借兵於扶南王扶南不從十年楊邁遣
使上表獻方物求領交州詔答以道遠不許太祖元嘉
初侵暴日南九德諸郡二十三年使龍驤將軍交州刺
史檀和之伐之遣太尉府振武將軍宗慤受和之節度
和之遣府司馬蕭景憲爲前鋒慤仍領憲軍副楊邁聞
見討遣使上表願還所略日南民戶奉獻國珍二月軍
至朱梧戍楊邁外言歸欬猜防愈嚴景憲等乃進軍向
區粟城楊邁遣水步軍徑至景憲破其外救盡銳攻城
五月尅之斬其帥首獲金銀雜物不可勝計乘勝追討
卽林邑楊邁父子挺身奔逃所獲珍異皆未名之寶又
銷其金人得黃金數十萬斤又宗慤傳元嘉二十二
年伐林邑慤自奮請行除振武將軍爲安西參軍蕭景
憲軍副隨交州刺史檀和之圍區粟城林邑遣將范毘

沙達來救和之遣偏軍拒之爲賊所敗又遣然然乃分
軍爲數道偃旗潛進討破之拔區粟入象浦林邑王范
楊遣傾國來拒以具裝被象前後無際士卒不能當慙
曰吾聞獅子威服百獸乃製其形與象相禦象果驚奔
眾因潰散遂克林邑收其異寶雜物不可勝計
南齊書南夷林邑國在交州南海行三千里北連九德
秦時故林邑縣也漢末稱王晉太康五年始貢獻晉建
興中曰南夷帥范稚奴文數商賈見上國制度教林邑
王范逸起城池樓殿王服天冠如佛冠身被香纓絡國
人凶悍習山川善鬪吹海蠡爲角人皆裸露四時暄暖
無霜雪貴女賤男人色以黑爲美南方諸國皆然區粟
城建八尺表日影度南八寸自林邑西南三千餘里至
扶南
水經注溫水篇交州外城記曰從日南郡南去到林邑
國四百餘里林邑記曰其城治二水之間三方際山南
北瞰水東西洞浦流湊城下城西折十角周圍六里城
開十二門凡宮殿南向屋宇二千一百餘間市居周繞
阻峭地險故林邑兵器戰具悉在區粟多城堡自林邑

王范胡達始秦餘徙民梁同夷化日南舊風變易俱盡
巢棲樹宿負郭接山榛棘蒲薄騰林拂雲幽煙冥緇非
生人所安區粟城建八尺表日影度南八寸自此影以
南在日之南故以名郡望北辰星落在天際曰在北故
開北戶以向日此其大較也日南張重舉計入洛正旦
大會明帝問曰南郡北向視日邪重曰今郡有雲中金
城者不必皆有其實曰亦俱出于東耳至于風氣暄暖
日影仰當官民居止隨情面向東西南北迥背無定人
性凶悍果于戰鬪便山習水不嫻平地古人云五嶺者
天地以隔內外況綿途于海表顧九嶺而彌邈非復行
路之遙阻信幽荒之冥域者矣建元二年林邑王范文
攻日南九真九德百姓奔逃千里無煙乃遣林邑林邑
西去廣州二千五百里城西南角高山長嶺連接天鄣
嶺北接澗大源淮水出那那遠界三重長洲隱山遶西
衛山迥東其嶺南開源小源淮水出松根界上山壑流
隱山繞南曲街迥東合淮流以注典冲其城西南際山
東北瞰水重壑流浦周繞城下東南塹外因傍海城東
西橫長南北縱狹北邊兩端迥折曲入城周圍八里飛

觀鴟尾迎風拂雲緣山瞰水濤翥鬼尊但制造壯拙積
占夷俗城開四門東爲前門當兩淮渚濱於曲路有古
碑夷書銘讚前王胡達之德西門當兩重壑北迴上山
西卽淮流也南門度兩重壑對溫公壘升平二年交州
刺史溫放之殺交阯太守杜寶別駕阮朗遂征林邑水
陸累戰佛保城自守重求請服聽之今林邑東城南五
里有溫公二壘是也北門濱淮路斷不通城內小城周
圍三百二十步合堂五殿南壁不開兩頭長屋脊出南
北南擬背日西區城內石山順淮面陽開東向殿飛檐
鴟尾青隙丹堦棖題桷椽多諸古法閣殿上柱高城丈
餘五牛屎爲堊牆壁青光迴度曲掖綺牖紫窗椒房嬪
媵無別宮觀路寢永巷共在殿上臨踞東軒逕與下語
子弟臣侍皆不得上屋有五十餘區連甍接棟檐宇如
承神祠鬼塔小大入廟層臺重榭狀似佛刹郭無市里
邑寡人居海岸蕭條非生民所處而首渠以永安養國
十世豈久存哉

隋畫林邑之先因漢末交趾女子徵側之亂內縣功曹
子區連殺縣令自號爲王無子其甥范熊代立死子逸

立日南人范文因亂爲逸僕隸遂教之築宮室造器械
逸甚信任使文將兵極得眾心文因間其子弟或奔或
徙及逸死國無嗣文自立爲王其後范佛爲晉揚威將
軍戴桓所破宋交州刺史檀和之將兵擊之深入其境
至梁陳亦通使往來其國延袤數千里土多香木金寶
物產大抵與交趾同以甌爲城蠻灰塗之東向戶王戴
金花冠形如章甫衣朝霞布珠璣瓔珞足躡草屨時復
錦袍良家子侍衛者二百許人皆執金裝刀有弓箭矛
槊以竹爲弩傳毒於矢樂有琴笛琵琶五絃頗與中國
同每擊鼓以警眾吹蠡以卽戎其人深目高鼻髮拳色
黑俗皆徒跣以幅布纏身冬月衣袍婦人椎髻施柳葉
席人死以函盛屍輿至水次積薪焚之收其餘骨王則
內金甕中沈之於海口庶人以瓦送之於江男女皆截
髮隨喪至水次盡哀而止每七日然香散花復哭盡哀
盡七七而罷至百日三年亦如之人皆奉佛文字同於
天竺高祖旣平陳乃遣使獻方物其後朝貢遂絕時天
下無事羣臣言林邑多奇寶者仁壽末上遣大將軍劉
方爲驩州道行軍總管將步騎萬餘及犯罪者數千人

擊之其王梵志率其徒乘巨象而戰方軍不利方於是
多掘小坑草覆其上因以兵挑之梵志悉眾而陣方與
戰僞北梵志逐之至坑所其眾多陷轉相驚駭軍遂亂
方縱兵擊破之頻戰輒敗遂棄城而走方入其都獲其
廟主十八枚皆鑄金爲之蓋其有國十八葉矣方班師
梵志復其故地遣使謝罪於是朝貢不絕
新唐書南蠻傳王本林邑也一日占不勞亦曰占婆直
交州南海行三千里地東西三百里而羸南北千里西
距真臘霧溫山南抵奔浪陀州其南大浦有五銅柱山
形若倚蓋西重巖東涯海漢馬援所植也其地冬溫多
霧雨產琥珀猩猩獸結遼鳥以二月爲歲首稻歲再熟
取檳榔瀋爲酒椰葉爲席俗凶悍果戰鬪以麝塗身日
再塗再澡拜謁則合爪頓顙有文字喜浮屠道治金銀
像大或十圍王所居曰占城別居曰齊國曰蓬皮勢王
衣白氍毹古貝斜絡臂飾金琲爲纓髮戴金華冠如章
甫妻服朝霞古貝短裙冠纓如王王衛兵五千戰乘象
藤爲鎧竹爲弓矢卒象千馬四百分前後不設刑有罪
者使象踐之或送不勞山俾自死隋仁壽中遣將軍劉

芳伐之其王范梵志挺走以其地爲三郡置守令道阻
不得通梵志衰遣眾別建國邑武德中再遣使獻方物
高祖爲設九部樂饗之貞觀時王頭黎獻馴象鏐鎖五
色帶朝霞布火樹與婆利羅刹二國使者偕來林邑其
言不恭羣臣請問罪赦不問又獻五色鸚鵡鸚鵡斷所
寒有詔還之元和初不朝獻安南都護張舟執其僞驢
愛州都統斬三萬級虜王
子五十九獲戰象舳鎧

越南分國沿革下

占廣南之地宋以後曰
城○原無今補

宋史占城國在中國之西南東至海西至雲南南至眞
臘國北至驩州界汎海南去三佛齊五日程陸行至賓
陀羅國一月程其國隸占城焉東至麻逸國二日程蒲
端國七日程北至廣州便風半月程東北至兩浙一月
程西北至交州兩日程陸行半月程其地東西七百里
南北三千里南曰施佛州西曰上源州北曰烏里州所
統大小州三十八不盈三萬家其國無城郭有百餘村
每村落戶三五百或至七百亦有縣鎮之名民獲犀象

皆輸於王其風俗衣服與大食國相類互市無緡錢止
用金銀較量錙銖或吉貝錦定博易之直樂器有胡琴
笛鼓大鼓樂部亦列舞人其王腦後髮髻散垂披吉貝
衣戴金花冠七寶裝纓絡爲飾脛股皆露跣革履無襪
婦人服及拜揖與男子同王每日午坐官屬謁見膜拜
或出遊看象採獵觀魚皆數日方還近則乘軟布兜遠
則乘象一人持橫櫂盤前導從者十餘輩各執弓箭刀
鏡手牌等曰或一再出其王或以兄爲副王或以弟爲
次王設高官凡入員東西南北各二分治其事無俸祿
令其所管土俗資給之勝兵萬餘人定十一月十五日
爲冬至十二月十五日城外縛木爲塔王及人民以衣
物香藥置塔上焚以祭天人有疾病旋采生藥服食地
不產茶止飲椰子酒兼食檳榔有重罪令象踏之犯奸
者男女共入牛以贖罪貢國王物者以繩拘於荒塘物
充而後出之其國前代罕與中國通周顯德中遣其臣
貢方物有雲龍形通犀帶菩薩石又有薔薇水灑衣經
歲香不歇猛火油得水愈燭皆財以琉璃瓶建隆二年
來貢表章書於貝多葉以香木函盛之太平興國六年

交州黎桓上言欲以占城俘九十三人獻於京師太宗遣還占城詔諭其王潛化元年新王楊陀排自稱新坐佛逝國遣使貢馴犀方物表訴爲交州所攻國中人民財寶皆爲所略上賜黎桓詔令各守境嘉祐七年正月廣西安撫經略司言占城素不習兵與交趾鄰常苦侵軼而占城復近修武備以抗交趾將繇廣東路入貢京師望撫以恩信七年交州李乾德言其王領兵三千人并妻子來降以正月至本道九年復遣使來言其國自海道抵真臘一月程西北抵交州四十日皆山路所治聚落一百五大略如州縣王著大食錦或川法錦大衫七條金纓絡戴七寶裝成金冠躡紅皮履出則從者五百人十婦人執金杵合貯檳榔導以樂王師討交趾以其素仇詔使乘機協力除蕩其國還兵七千扼賊要路其王以木葉書回牒詔使上之然亦不能成功後兩國伺入貢占城使者乞避交人詔遇朔日朝文德殿分東西立大宴則東西坐七年閩人有抵占城者其國方與真臘戰皆乘大象勝負不能決閩人教其王習擊射以勝之戰大捷明年復來瓊州拒之憤怒大掠而歸消熙

四年占城以舟師襲真臘傳其國都慶元以來真臘大
舉伐占城以復仇殺戮殆盡俘其主其地悉歸真臘
元史占城近瓊州順風舟行一日可抵其國世祖至元
間廣南西道宣慰使馬成旺嘗請兵三千人馬三百匹
征之十五年右丞唆都以至占城還言其王
有內附意詔降虎符封占城郡王十九年十月朝廷以
占城國主歲遣使來朝稱臣內屬遂命左丞唆都等卽
其地立行省以撫安之既而其子負固弗服朝廷使人
往暹國往八馬兒國舟經占城皆被執故遣兵征之十
一月兵至占城港口北連海海旁有小港五通其國
大州東南止山西旁木城官軍依海岸屯駐占城兵治
木城四面約二十餘里起樓櫓立回回三梢礮百餘座
又木城西十里建行宮其酋親率重兵屯守應援行省
遣官招之七往終不服二十年正月十五日夜半發船
攻城至期分遣兵千六百入由水路攻木城三百人攻
東南沙嘴又以三千人分三道攻南面舟行至天明泊
岸爲風濤所碎者十七八賊開木城南門建旂鼓出萬
餘人乘象者數十亦分三隊迎敵矢石交下自卯至午

賊敗北官軍入木城復與東北二軍合擊之殺溺死者數千人城中餘眾數萬悉潰國主棄行宮燒倉廩殺前所留使逃入山十七日整兵攻大州十九日國主使來求降二十一日入大州二十二日遣其舅寶脫禿花及其子三十餘人奉物雜布二百匹大銀三錠小銀五十錠碎銀一錠為質來歸款又獻金葉九節標槍詭言七鎗碎銀一錠為質來歸款又獻金葉九節標槍詭言國主頰中箭今小愈未能見省官疑其二子非真聽其還諭國主早降且以問疾為辭遣千戶總把偕往規之二子途先歸子全等入山兩程國主遣人來拒不果見是日又殺前所留使百餘人二月八日寶脫禿花又至說言其兄為今王所殺心實怨之願禽今王父子以獻請給大元服色十三日居占城唐人曾延等來言國主逃於大州西北鴉侯山聚兵三千餘并招集他郡兵未至不日將與官軍交戰懼唐人泄其事將盡殺之延等覺而逃來十五日寶脫禿花偕宰相大師等五人來降謂唐人延等為姦細國主軍皆潰散安敢復戰又言今未附州郡凡十二處每州遣一人招之舊州水路乞行省各遣一人乘舟招諭陸路則乞行省官與已往禽

國主行省猶信其言調兵一千屯半山塔遣子全德堅等領軍百人與寶脫禿花同赴大州進討約有急則報半山官軍獲謀者知國主實在鴉侯山立砦聚兵約二萬餘遣使交趾真臘閩婆等國借兵及徵賓多龍舊州等軍未至十六日官兵進攻十九日近木城二十里賊浚濠壘拒以大木官軍斬刈超距奮擊破其二千餘眾轉戰至木城下山林阻隘不能進賊旁出截歸路軍皆殊死戰始得解還營二十一年三月六日唆都領軍回十五日江淮省所遣助唆都軍萬戶忽都虎等至占城則官軍已回適占城主遣王通事者來四月十二日國主令其孫奉表歸款是年命平章政事阿里海牙奉鎮南王脫歡發兵假道交趾伐占城不果行明史占城居南海中自瓊州航海順風一晝夜可至自福州西南行十晝夜可至即周越裳地秦爲林邑漢爲象林縣後漢末區連據其地始稱林邑王自晉至隋仍之唐時或稱占不勞或稱占婆其王所居曰占城至德後改國號曰環迄周末遂以占城爲號朝貢不替元世

祖惡其阻命大舉兵擊破之亦不能定洪武二年遣使奉表來朝貢帝遣官齎璽書大統歷文綺紗羅往賜自後或比歲貢或間歲或一歲再貢洪武三年遣使往祀其山川尋頒科舉詔于其國初安南與占城構兵天子爲遣使諭解而安南復相侵四年其王奉金葉表來朝長尺餘廣五寸刻本國字乞賜兵器乃樂器樂人俾安南知我占城乃聲教所被之地庶不敢欺陵帝命禮部諭之曰占城安南並事朝廷同奉正朔今兩國互構而賜占城兵器是助爾相攻甚非撫安之義樂器樂人語音殊異難以遣發爾國有曉華言者其選擇以來當令肄習因命福建省臣勿徵其稅洪武二十一年眞臘貢象占城奪其四之一其他失德事甚多帝聞之怒命行人董紹救責之尋遣使謝罪國王失道大臣閭勝弒王自立明年遣太師奉表來貢帝惡其逆卻之永樂元年以卽位詔諭其國洪武六年貢使言洵寇自稱元剽劫海上國王擊破之賊魁溺死獲其舟二十艘蘇木七萬斤謹奉獻帝嘉之命給賜加等其冬遣使獻安南之捷帝謂省臣曰去年安南言占城犯境今年占城謂安南

樓邊未審曲直可遣人往諭各罷兵息民洪武十年正月與安南王陳煊大戰煊敗死占城乘勝入其國王遣使奏朝貢人回賜物悉遭安南掠奪又昇臣冠服印章脅爲臣屬帝怒敕責安南而賜占城王鈔幣永樂四年帝方大發兵往討乃敕占城嚴兵境上遏其越軼永樂五年四月攻取安南所侵地獲賊黨獻俘闕下自後鄭和復遣使其國永樂十三年王師方征陳季擴命占城助兵尙書陳洽言其王陰懷二心愆期不進反以金帛戰象資季擴季擴以黎蒼女遺之復約季擴黨侵升華府地厥罪維均帝以交趾初平不欲勞師但賜救切責俾還侵地王即遣使謝罪正統元年瓊州知府程瑩言占城比年一貢勞費實多乞如暹羅諸國例三年一貢帝是之然番人利中國市易雖有此例迄不遵天順八年其使者復訴安南見侵需索白象乞如永樂時遣官建立界碑以杜侵陵兵部以兩國方爭不便遣使乞令使臣歸諭國王固封疆捍外侮毋輕構禍從之成化七年二月安南兵破其國執其王劫印符大肆焚掠遂據其地王弟逃之山中遣使告難兵部言安南吞并與國

若不爲處分非惟失占城歸附之心抑恐啟安南跋扈之志宜遣官賫敕宣諭還其國王及眷屬帝慮安南逆命令侯貢使至日賜敕責之成化八年遣使持節往封其弟至新州港守者拒之知其國已爲安南所據改爲交南州乃不敢入十年冬還成化十年安南復遣兵執王弟立前王孫爲王以國南邊地予之成化十四年王孫遣使朝貢請封命給事中馮義行人張瑾往封之義等多攜私物既至廣東聞王孫已死其弟古來遣使乞封義等慮空還失利亟至占城則安南已以僞敕立其國人提婆台爲王義等不俟奏報輒以印幣授提婆台封之得所賂黃金百餘兩又往滿刺加國盡貨其私物以歸馮義至海洋病死張瑾具其事并上僞敕于朝朝廷不知也明年古來奏請冊印言臣國所有土地本二十七處四府一州二十二縣東至海南至占臘西至黎人山北至阿本喇補凡三千五百餘里交人前畏天威還臣兄故地僅自邦都至占臘五處耳更乞特諭交人盡還本國禮官乃劾張瑾擅封詔下獄論死乃諭古來詣廣東受封并敕安南悔禍古來乃自老撾挈家赴崖

州受封命南京右都御史屠濬往至廣東傳檄安南宣示禍福而募健卒二千人駕海舟二十艘護古來還國安南以瀟大臣奉特遣不敢與抗古來乃得入其國自殘破之後民物蕭條貢使漸稀宏治十八年古來卒其子請封廷議令其使臣賁敕往自是遂爲故事而其國貢使亦不常至其國無霜雪四時皆似夏草木常青民以漁爲業無二麥力穡者少故收穫薄檳榔終日不離口不解朔望但以月生爲初月晦爲盡不置閏分晝夜爲十更非日中不起非夜分不卧見月則飲酒歌舞爲樂無紙筆用羊皮撻薄黑削細竹蘸白灰爲字狀若蚯蚓有城郭甲兵人狠而狡貿易多不平戶皆北向民居悉覆茅檐高不得過三尺部領分差等門高卑亦有限人體黑男蓬頭女椎髻俱跣足王瑣里人崇釋教歲時采生人膽入酒中與家人同飲且以浴身曰通身是膽其國人采以獻王又以洗象目每伺人于道出不意急殺之取膽以去置眾膽於器華人膽輒居上故尤貴之五六月間商人出必戒備王在位三十年則避位入深山以兄弟子姪代而已持齋受戒告於天曰我爲君

無道願虎狼食我或病死居一年無恙則復位如初國
不甚富惟犀象最多烏木降香樵以爲薪伽南香獨產
其地一山酋長遣人守之民不得采犯者至斷手有鱗
魚潭獄疑不決者令兩造騎牛過其旁曲者魚輒躍而
食之直者卽數往返不食也有尸頭蠻者一名屍致魚
本婦人惟無瞳神爲異夜中與人同寢忽飛頭食人穢
物來卽復活若人知而封其頸或移之他所其婦卽死
國設厲禁有而不告者罪及一家
海錄凡南洋海艘俱由老萬山出口西南行過七洲洋
有七洲浮海面故名又行經陵水順東北風約四五日
便過越南之順化界順化卽越南王建都之所也又南
行約二三日到新州又南行約三四日過龍奈又謂之
陸奈爲安南舊都山龍奈順北風日餘至本底國本底
國在越南西南又名勘明疑卽占城也國小而介乎越
南暹羅二國之間其人顏色較越南稍黑語音亦微異
土產銀錫象牙孔雀翡翠箭翎班魚脯又順東北風西
行約五六日至暹羅港口○源案越南之西都在順化
港傳占城舊地也此別指本底爲占城非是本底爲東

埔寨卽古眞臘國海錄出于賈客舟師之口故見閩越
眞而考古多謬特附錄而辯之至占城東南瀕海尙有
賓童龍國卽宋史所謂賓陀羅者與占城相連今并入
廣南境內疑卽龍索之地明王圻續通考謬指爲佛經
之舍衛城辯見美洛居島國後